

S wird Zeit

Ich glaub s wird Zeit, Du musch jetzt ganga
Warsch gar et lang do
Der Kaffee isch kalt, d'Wohnung leer
Und der Ofa isch nemma a

Ade dann bis bald, Jetzt stand i do
Han glaub vieles gar et g'sait
Und mei Stub schmeckt no nach Dir
Du, Daß Du do warsch, s hat me gfrait

Du bisch bei mir, egal wo Du bisch
I glaub des isch was bsonders mit ons zwoi
I han des so no nie erlebt
Ond Mir werdet bald wieder zamma sei

Aber s stimmt ja, daß de wiederkommsch
Und daß i au mei eignes Läba han
Drum mach i den Kaffee nomal warm
Und trink auf Di
(Daß i de gern, daß de bleiba sotsch,
wie de bisch) 3x